



Nr. 3410 i Prot.

Tiranë, 22.12.2021



Nr. 320 i Prot.

Tiranë, 22.12.2021

## MARRËVESHJE BASHKËPUNIMI

### NDËRMJET

#### KUVENDIT TË SHQIPËRISË DHE KOLEGJIT UNIVERSITAR “REALD”

Kuvendi i Shqipërisë dhe Kolegji Universitar “Reald”, me qëllim rritjen e kontributit të universiteteve dhe botës akademike në procesin e ligjërjes dhe të kontrollit parlamentar, promovimin e punës kërkimore-shkencore dhe të mendimit analistik në funksion të demokracisë parlamentare, rritjen e perceptimit dhe të kapaciteteve të studentëve mbi parlamentarizmin, përmirësimin e perceptimit publik dhe njohjen më të mirë të funksioneve të Kuvendit të Shqipërisë si dhe mbështetjen e institucioneve arsimore në përbushjen e funksioneve të tyre në kuadër të zbatimit të legjislacionit në fuqi për arsimin e lartë, ranë dakord:

#### Neni 1

Kuvendi i Shqipërisë i ofron Kolegjut Universitar “Reald”:

- a) mundësinë për të bashkëpunuar në procesin e hartimit të akteve ligjore prej komisioneve, nënkomisioneve dhe deputetëve të Kuvendit ndërmjet ekspertizës, konsultave dhe dëgjesave të programuara e të vazhdueshme me njësitë mësimdhënëse e kërkimore-shkencore, pedagogët, ekspertët dhe studentët;
- b) mundësinë për të kontribuar në procesin e kontrollit parlamentar nëpërmjet konsultave dhe bashkëpunimit të komisioneve dhe strukturave të kontrollit parlamentar me pedagogët dhe ekspertët e Kolegjut Universitar “Reald”;
- c) bashkëpunim në organizimin e konferencave, seminareve dhe veprimtarive të tjera të këtij lloji për çështje me interes publik, reforma të rëndësishme, projektligje që kërkojnë konsultim të gjerë etj., kryesisht në fushën e veprimtarive prodhuese, mjedisit, turizmit, etj.;
- d) ndihmë profesionale dhe bashkëpunim për veprimtaritë e organizuara nga Kolegji Universitar “Reald”, nëse ato lidhen me aktivitete në fokus të Kuvendit të Shqipërisë;
- e) mundësinë që studentët e Kolegjut Universitar “Reald” të kryejnë praktika mësimore pranë Kuvendit të Shqipërisë;
- f) informacion dhe orientime gjatë procesit të hartimit të tezave të diplomës, tezave të doktoraturës dhe të disertacioneve që lidhen me veprimtarinë e Kuvendit të Shqipërisë dhe të organeve të tij;
- g) pjesëmarrjen e stafit të administratës së Kuvendit në projekte kërkimore të organizuara nga Kolegji Universitar “Reald”;
- h) ftësë për konferanca dhe veprimitari të tjera parlamentare të organizuara nga Kuvendi i Shqipërisë;
- i) mundësi konsultimi të bazave të të dhënavë profesionale të përdorura nga Kuvendi i Shqipërisë;
- j) bashkëpunim në organizimin e aktiviteteve në Kuvendin e Shqipërisë;
- k) bashkëpunim në realizimin e publikimeve dhe botimeve në fushën e parlamentarizmit;
- l) leksione me qëllim edukimin në fushën e parlamentarizmit në Kolegin Universitar “Reald”.

### Neni 2

Kolegji Universitar “Reald” i ofron Kuvendit të Shqipërisë:

- a) bashkëpunim në organizimin e konferencave, seminareve dhe veprimtarive të tjera të këtij lloji për çështje me interes publik, reforma të rëndësishme, projektligje që kërkojnë konsultim të gjerë etj.;
- b) pjesëmarrjen e stafit akademik në komisionet e përherershme parlamentare përmes ekspertizës profesionale për çështje të ndryshme me interes publik apo projektligje që janë në proces, në rast se paraqitet kërkesë nga komisioni përkatës në përputhje me fushën e përgjegjësisë;
- c) raporte dhe të dhëna të përpunuara të përditësuara mbi jetën institucionale dhe parlamentare në vend;
- d) pjesëmarrjen me analiza, punime të përbashkëta në projekte kërkimore të organzuara në bashkëpunim me Kuvendin e Shqipërisë;
- e) bashkëpunim në realizimin e publikimeve dhe botimeve në fushën e parlamentarizmit;
- f) kopje të revistës shkencore dhe botimeve akademike në fushën e parlamentarizmit, sipas periodicitetit të publikimit të tyre, botime të Kolegit Universitar “Reald”;
- g) ftesa për *workshop-e* profesionale dhe konferanca me interes për deputetët dhe administratën e Kuvendit të Shqipërisë;
- h) ndihmë në organizimin e *workshop-e* profesionale dhe konferencave të Kuvendit të Shqipërisë;
- i) mundësinë për të pasur akses në publikimet më të reja të Kolegit Universitar “Reald” dhe punimet shkencore të stafit të tij akademik, në respekt të legjislacionit në fuqi dhe të rregullores së brendshme të Kolegit Universitar “Reald”;

### Neni 3

Në përputhje me qëllimin e kësaj marrëveshje bashkëpunimi, Kuvendi i Shqipërisë dhe Kolegji Universitar “Reald” janë të gatshëm të bashkëpunojnë në çdo kohë dhe ta shtrijnë këtë bashkëpunim në të gjitha fushat për të cilat shfaqin interes të përbashkët dhe bien dakord.

### Neni 4

Kostot që rrjedhin nga përbushja e detyrimeve të përcaktuara nga kjo marrëveshje u ngarkohen përkatësisht palëve pjesëmarrëse, brenda fondeve buxhetore të përcaktuara. Kjo nuk ndikon në pagesat për ushtrimin e detyrave funksionale administrative, institucionale, pedagogjike dhe botuese.

### Neni 5

Kjo marrëveshje është e vlefshme për një periudhë njëvjeçare nga data e nënshkrimit. Ajo rinovohet automatikisht në mënyrë të heshtur për vitet pasardhëse. Nëse njëra palë kërkon zgjidhjen e saj, duhet të njoftojë me shkrim palën tjetër një muaj përpara datës së propozuar për zgjidhje.

**Kuvendi i Shqipërisë**

Kryetari

Lindita NIKOLLA



**Kolegji Universitar “Reald”**

Rektori

Prof. Dr. Spino CAUSHI

